

Enformaziuns y comunicaziuns

Corona: En jöbia ai 28 de ma ales 19:30 él l'ultimo iade te cösc mëns la Corona ete cal Ciüch. Düc é bel enviés y bënödüs. La Corona pa capela sará spo endô d'otober.

Iade a Assisi: L'Unité pastorala Val Badia enviëia a en iade a Assisi con Christian Ferdigg por za. 20 porsones, dai 3 ai 6 de messé. Le prisc é de 470€ a ce, te ciamena dopla. Tal prisc él le iade cole bus, 3 nets te hotel con gosté y 3 cënes. Infos y iscriziuns pa Holimites al 0471 838022 o iadi@holimites.com

KVW Senioreclub: En jöbia ai 28 de má ales 8:00 pëiun ia cole bus dal Cone demez por jí a Longarone. Danló él vijites con guida. Bus y guida paia la cassa dai seniors. La marëna costa 25,00€. Tló él da se prenoté pa Lidia al 339 7899107.

La net lungia dles dljies: Ai 29 de má vëgnel tegnì te nosta diozeja la „Net lungia dles dljies“, olache al é te deplü dljies inziatives particulares. Pité vëgnel oraziun, mostres, guides, ciantuns da pastlené, conzerc y trep d'ater. Sot ala plata internet www.langenachtderkirchen.it pón odëi ci dljies co fej empara y ci che ares pïta.

Zënter de reziclaje - Enformaziuns sön le sorvisc de desfratada: Al vën lascé alessèi che le refodam dé dant dessot pó gni dé jö a paiamont tal zënter de reziclaje. Emportant da sëi él che sce al vën porté plü iadi ia por l'ann de pices cuantités de ciomont de rest, material de demoliziun, rames o lignan, á le personal le dërt da scrí sò na cuantité adatada de ciomont co gnará motüda en cunt. **Tarifes:** lignan 40€ al m³; rames 15€ al m³; ciomont de rest 50€ al m³; material de demoliziun 100€ al m³; madroc 20€ al toch; divans 40€ al toch; lavandins, bidets, seles y d'ater 8€ al toch.

Volontars por families: Le KFS - Katholischer Familienverband Südtirol chir volontars por ti dé sostèn a families con mituns da 0 a 3 agn, tal raiun dla Val Badia y de Puster. Al basta ince ma da dé na man: p. ej. da jí a cumpré ete, daidé fá laurs de ciasa, ciaré do i mituns val' ora, sostegnì i geniturs tl'organisaziun da vigne dé. Sce t'as vëia y orenté da daidé, spo lascete adentëne pal KFS al 0471 974778 o ala mail info@familienverband.it

Aodanzes



La comunité ti fej les mius aodanzes ai nüc
Lisa Ties y Ivan Nagler
co se dij de sciö dan da Chël Bel Dio.
Che la benedisciun de Dio i acompagnëii tla vita deboriada!

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com - Download: www.unitepastorala.org
Por ciapé la Ploania sön Whatsapp, mené en messaje con ennom al 333 4762010



Plata dla Ploania Al Plan de Mareo San Vigile

Ploan: Signor Klaus Sottsas
E-Mail: ksottsas@rolmail.net

Calogna Al Plan: 0474 501006
Radio de Ploania: 93,00 MHz

UNITÉ PASTORALA



VAL BADIA

www.unitepastorala.org

Ann A

24.05.2026 - Gran festa de PASCA DE MÁ
Le Spirit Sant vën jö sora i apostui y Santa Maria

nr. 26

Ciafede le Spirit Sant!

Dal vangelo do San Jan, 20, 19 - 23

¹⁹La sëra dal pröm dé dal'edema, canche i discepui à, por la tëma dan dai iüdes, saré pro les portes, él gnü Gejú, é jü amesa ëi ete y ti á dit: Pësc a os! ²⁰Dô cöstes parores ti ál mostré söes mans y so piet. Danló se ralegrá i discepui da odëi le Signur. ²¹Gejú ti á ciamò en iade dit: Pësc a os! Desco le Pere m'á mené me, ensciö ves mëni iu os. ²²Dô ch'al á albü dit cösc, ti ál fladé ados y ti á dit: Ciafede le Spirit Sant! ²³A chi che os ti lascëis do i picëis, ti éσαι lascës dô; y a chi che os ne ti ai lascëis nia dô, ne ti éσαι nia lascës dô. **Parora dal Signur. - Lalt a te, Gejú Crist!**



LE SPIRIT SANT DELIBRËIA DALES PORJUNS DLA TËMA

Encö, pla gran festa de Pasca de Má, nes condüj le vangelo tal salf dl'ultima cëna, olache i apostui ea jüs a s'ascogne y s'á saré daete do la mort de Gejú. Le Ressorì ti aparësc avisa te cösta situaziun de tëma y de trica. Al ti flada ados y dij: „Ciafede le Spirit Sant!“ Cola scincunda dal Spirit Sant ó Gejú delibré i apostui da cösta tëma co i porta a se saré daete, y al i delibrëia, tan che ai vá fora y vën testimoni y encündadus dal vangelo. **Ponsun do en picio pü' a ci che le Spirit fej: al i delibrëia dla tëma.** Le vangelo cunta che i discepui à saré pro les portes por la tëma. La mort de Gejú i à sprigorés sö, düc sü soms parea sën desfac, söes speranzas s'á desfanté. Ai ne s'á nia ma saré te so local, mo ince te se enstësc, te sü cörs.

Tan gonot se sarunse pa ince nos daete te nos enstësc? Tan gonot sozedel pa che i manaciun da perde la speranza y al se mancia le coraje da jí ennant? Magari por na ria situaziun, por val' problem personal o te familia, por la soferonza co dá da scíampì o le mal co é encër nos ia. **Le vangelo se dá endere la medejina dal Ressorì: le Spirit Sant. Èl delibrëia dales porjuns dla tëma.** Cösc fej le Spirit: al se lascia sontí la vijinanza de Chël Bel Dio y so amur para demez la tëma, al iluminëia le tru, al consolëia y dá sostèn tles groaries y tles desfides. Porchël: periun do le Spirit Sant, por la Dlijia y por le monn entier. Por che na Pasca de Má nea pári demez les tëmes co se tichenëia y empëies le fü dal amur de Dio.

Papa Francësch, 28 de má 2023



Edema liturgica dai 24.05. ai 31.05.2026

DOM 24.	GRAN FESTA DE PASCA DE MA	<i>Ester, Dagmar</i>
08:15	<i>gran mëssa a La Pli</i>	
10:00	gran mëssa por dōta la ploania	oferta por la ploania
	++de Pire +Frieda Comploi	
	+Helene Pramstaller Erlacher +Hermine Rubatscher	
	++Edi y Anna Pizzinini	
	+Angelo Del Buono +Franz Kanetscheider	
Lön 25.	LÖNESC DE PASCA DE MA	<i>Maria, Oma dla Dlijia</i>
	<i>al va ennant le tomp ia por l'ann Gregor VII., Maria Magdalena da Pazzi</i>	
08:15	<i>gran mëssa a La Pli</i>	
10:00	gran mëssa por dōta la ploania	
	++Lois, Oliva y Pepi Castlunger dal Surt	
	+Doro Castlunger, Grones	
	por i tiers co va sōn munt	
Ded 26.	<i>Filip Neri, Maria Anna</i>	
19:30	corona	
Dem 27.	<i>Augustin da Canterbury, Bruno</i>	
Jöb 28.	<i>German, Wilhelm</i>	
07:30	<i>s.m. a Rina</i>	
19:30	corona de ma ete dal Ciüch	
Ven 29.	<i>Paolo VI., Sisinus, Martyrius y Alexander</i>	
07:30	s.m. +Albert Taibon	
Sab 30.	<i>beat Otto Neururer</i>	
07:30	<i>s.m. a La Pli</i>	
14:30	noza: Lisa Ties y Ivan Nagler	
17:30	corona	
18:00	s.m. prefestia	
	+Heinrich Trebo dal Sauter	
	+Epo Rindler	
	+Monica Erlacher	
	++Loise Taibon y Lino	
	+Jakob Comploi	
DOM 31.	GRAN FESTA DLA SS. TRINITÉ	<i>Petra, Metilde, Aldo</i>
	DOMÈGNA DLES FAMILIES	
08:15	<i>gran mëssa a La Pli</i>	
10:00	gran mëssa por dōta la ploania	oferta por la ploania
	dal ann por +Anna Costa Pisching	
	dal ann por +Carlo Erlacher	
	++Markus y André Videsott	
	de ringraziament por la familia da Sarjei	

Festa dal Spirit Sant

Pasca, Nadé y Pasca De Ma é les trëi plö gran festes dal Cristianesim.

Pasca - la festa de pasciun, de mort y ressureziun de Gejú,

Nadé - la festa dal Signur gnü porsona umana,

Pasca De Ma - la festa dal Spirit Sant.


Por trec é Pasca De Ma na festa ria da capí; é pö por trespes porsones le Spirit Sant püch conesciü.

Le Spirit Sant é na forza nia da odëi co pó ma gní reconesciü te só operé. Al porta moviment y vita. La storia dai apostui nes mostra che le travert i condüj cina ai confins dla tera a porté le Vangele ala jont. Y le Spirit Sant i dëida te cōsta gran misciun. Con la forza dal Spirit á coraji da jí fora por le monn a dé testimonianza dla vita en plenëza.

Le Spirit Sant daür les boces y arjunj comprenjün. La forza dal Spirit daür la boccia ai apostui, y ai é bognd da baié y cunté ci che ai á odü. Y con l'aiüt dal Spirit Sant é la jont bona da capí les parores dai apostui, anfat te ci lingaz che al vëgn baié.

Le Spirit Sant dá faculté da testimonié la fede te Crist. Ensciö ciafa i apostui elan, sbunf da encündé la Parora de Dio ai popui. (Sb)

John Blankers



Heiliger Geist,

durch dich hängt die ganze sichtbare Welt zusammen ...

Von dir hat die Erde ihre jetzige Gestalt erhalten ...

Dieses wunderbare, herrliche, unwiderstehliche Aufblühen eines neuen Lebens ..., der gewaltige Triumph der Natur ist das Werk deiner glorreichen Gegenwart ...

Dem alten apostolischen Glauben werden neue Offenbarungen und Erleuchtungen zuteil ... Ich fühle mich nur sicher in deinem Hauche.

John Henry Newman

Sorvisc dai Ministronc

Lönesc 25/05 (18:00h): Jandaniel y Matthias Deval, Anna Resch, Jonas y Tobias Rindler, Armin Trebo;

Sabeda 30/05 (18:00h): Anja, Emil y Paul Ellecosta, Evelyn y Maximilian Farcas, Elena Frenademetz;

Domenia 31/05 (10:00h): Emily Leonardelli, Chris Mascotto, Timo Palfrader

N.B.: Düc i ministronc é entres begnodüs da gní a sorví, ince sce ai n'é nia scric sö!

